


Txirrindularitza

«Olano sasoi onean dago»

Hala dio Beltran taldekideak, eta Leblancek Ullrich jo du faborito

Abraham Olano Banestoko txirrindularia Frantziako Tourrean sailkapen on bat eskuratzeko moduan dago. Banesto taldeko Manuel Beltran eskalatzaileak Olano sasoiak ikusten du, eta bere taldeak sailkapen ona lortuko duen esperantza dauka. Jean Marie Leblancek, berriz, Jan Ullrichen aldeko apustua egin du. Bestalde, italiarrek atzo eman zituzten Tourrerako zerrendak.



Taldekideek konfiantza agertu dute Olanorengan, eta Tourrerako sasoiak dagoela diote.

JOSEBA OLALDE

Silbia Hernandez / Donostia

JAN ULLRICH Telekom taldeko txirrindularia iazko Tourrean lortu zuen lehen postuari eusten saiatuko dela azaldu du Beltranek. Hala ere, Olano ongi prestatu dela azaldu zuen larunbatean Dublinen hasiko den proban parte hartzeko, nahiz eta Kataluniako Voltan oso fin ibili ez. Beltranen hitzetan, «gure taldea oso orekatuta dago, eta Olanoz gain badaude oso ondo dabilen beste txirrindulari batzuk ere, Miguel Angel Peña eta Jose Maria Jimenez, kasu». Bere helburua «Olanori mendiko etapetan laguntzea da, eta, ahal izanez gero, iaz eginiko lana hobetzea». Beltranek 14. postua eskuratu

zuen aurreko Tourrean, baina aurtun mendiko etapa gutxiago izateak ez dio batere onik egingo. Jaengo eskalatzaileak Richard Virenque eta Marco Pantaniri aurre egin beharko die mendian.

Jean Marie Leblancek Ullrichen alde egin du apustu • Bestalde, Jean Marie Leblanc Tourreko zuzendariak iazko Tourraren irabazlearen aldeko apustua egin du. Leblancen ustez, «Ullrichen behar diren baldintza guztiak betetzen ditu bigarren urtez jarraian garaile izateko: alor guztietan ondo dabil, eta ondoan talde bikaina dauka». Hala ere, aurtun zer gertatuko den esatera ez da ausartu: «Historiak erakutsi digu ezin garela fio behin izanda-

ko lorpenekin. Aurreko urteko martxari eusten baldin badio, Ullrich izango da gehien harritu nauen txapelduna. Edozein kasutan ere, urte bakarra ez da nahikoa hori esateko». Halaber, Tourreko arduradunak argi utzi nahi izan du ez duela inongo arazo pertsonalik alemaniarrekin.

Bestalde, atzo aurkeztu zituzten talde italiarrek beraien zerrendak. Aurkezpenean aurrean ibiltzeko aukera handia daukaten txirrindularien izenak entzun ziren: Marco Pantani (Mercatone-Uno), Giuseppe di Grande (Mapei), Luc Leblanc frantziarra (Polti) eta etapa garaipenatarako Mario Cipollini (Mercatone), besteak beste. X

Saskibaloia

Tau Baskoniak abuztuaren 1ean hasiko du denboraldi-aurrea, lan fisikoa eginez

■ Euroligan aurkari duen Pau Orthezen aurka bi partidua jokatu du

Erredakzioa / Gasteiz

TAU BASKONIAK abuztuko lehen eguna aukeratu du 98-99 denboraldiari hasiera emateko. Egun horretan Mendizorroztako kiroldegian izango dira jokalariek, arratsaldeko 20:00etan. Lehen egunetan Scarioloren mutilek lan fisikoa egiteaz gain, denboraldi hasierako ohiko azterketa medikoak izango dituzte. Denboraldi-aurreko lehen fasea amaitzeko, jokalariek Andorran kontzentratuko dira, abuztuaren 6tik 15era bitartean.

Abuztuan Tauk hainbat partidua jokatu du. Horieta lehenengo biak Pau Orthezen aurka izango dira. Pau Orthez eta Tau Baskonia Euroligako multzo berean daude (A multzoan), eta, beraz, test polita izan liteke. Lehena Pauen izango da abuztuaren 19an, eta bigarrena 20an Angelun. Horren ostean Gasteizkoak Italiara abiatuko dira. Italian, Forlì hiriko nazioarteko saskibaloia txapelketan hartuko dute parte. Bertan ariko diren taldeen zerrenda ez dago oraindik zehaztuta. Denboraldi-aurreko bira

amaitzeko, Joventuten aurkako partidua izango du Tauk. Partidu hori Palmako Mao hirian jokatu da irailaren 2an.

Bestalde, taldeko zuzendariak Araba pabilioiaren obrak direla-eta izan daitezkeen arazoenguruz erabakitzeak irailera arte itxarongo du. Diputazioak urriaren 1 arte ezin izango dela erabili zehaztu zuen. Egun hori baino lehen Araba erabiltzerik ez balego, Tauk konponbideren bat bilatu beharko luke irailaren 24an jokatu behar duen Pau Orthezen kontrako partidurako. X

laburrean

ARRAUNKETA

■ Orio eta Koxtape izango dira aurrez aurre larunbat honetan Dalia Sarian

ORIO eta Koxtape dira faborito nagusiak datorren larunbatean Getxon jokatu den Dalia Saria irabazteko. Oriotarrek zein Pasaia Donibanekeok duela gutxi amaitu dute aulki mugikorrek denboraldiak, eta lanean ari dira trainerua sasoiak jartzeko. Oriok garaipena eskuratu zuen Elantxobeko Ikurrinan, eta Koxtapek seigarren postua bukatu zuen Donibane-Lohizuneko Ikurrinan. Iaz Orio eta Koxtape izan ziren nor baino nor Dalia Saria irabazteko, eta azkenean Koxtapek hamazazpi segundo kendu zizkion Erreka-ri. Hiru txanda izango dira arratsaldeko 5etatik aurrera. Isuntza, Deustu, Getxo B eta Lutxana izango dira lehen txanda; Arkote, Zierbena, Santurtzi eta Getxo A bigarrenengoan eta Bermeo, Orio, Portugalete eta Koxtape hirugarrenengoan. Esan beharrik ez dago Gipuzkoako ordezkarien artean erabakiko dela Dalia Saria. X

SASKIBALOA

■ Dominikar Errepublikako selekzioak dio Tauk ez diola Pichardori eurekin jokatzeko utzi nahi

DOMINIKAR ERREPUBLIKA-KO Saskibaloia selekzioak zuzendaritzak salatu duenez, Tau Baskoniak ez dio Angel Miguel Pichardori jokalaririk beren herrira joateko baimenik eman, gazte mailako Txapelketa Panamerikanoan parte hartu ahal izateko. Marlon Lambert selekzioak idazkari nagusiak adierazi zuen Alfredo Salazar Tauko zuzendaritzako kidea gauzak zailtzen ari dela Pichardok bere herriko selekzioarekin jokatzeko. «Itxuraz, jokalaririk hori beren herriko bihurtzeko nahia dago, eta horretaz ohartarazi nahi ditugu nazioarteko arduradunak», adierazi zuen Lambertek. X

FUTBOLA

■ Andres Martinez erdilaria Athletic utzi eta Barakaldora joango da hurrengo denboraldirako

BILBOKO Athletic eta Barakaldo futbol taldeen arteko hitzarmenaren ondorioz, 25 urteko Andres Martinez erdilaria kamiseta horia eta beltza jantziko du hurrengo denboraldian. Jokalari bikaitarrak Baskonia taldearekin jokatu du amaitu berri den denboraldian. Baskonia, Athletic-en hirugarren mailako menpeko taldea da eta igaro astean beste jokalaririk bat utzi zion Barakaldori: Jose Luis Diez. Martinez, Getxo taldean hasita, 90-91 denboraldian heldu zen Athletic-era. Hurrengo denboraldian Julen Guerrero eta Aitor Karanka bezalako jokalariekin jardun zuen, eta azken denboraldian Zalla taldea utzi zuen Baskoniarekin jokatzeko. X

■ Osasunak gaur aurkeztuko du Miroslav Trzeciak Poloniako jokalaria

LKS LODZ taldeko jokalaririk ohia gaur aurkeztuko du modu ofizialean Osasuna futbol taldeko zuzendaritzak. Ekainaren 25ean talde poloniarrekin akordioa lortu ondoren, nafarrekin 55 milioi pezeta (2,6 milioi libera inguru) ordaindu dituzte jokalariren truke. Polonia-rrak bi denboraldi egingo ditu nafarren artean eta hirugarren denboraldia betetzeko aukera ere badago. 500 eta 600 milioi pezeta bitarteko klausula ezarri diote kontratuan. Trzeciak 30 urte dauka eta datorren denboraldirako Osasunak kontratatu duen hirugarren jokalaririk da, aurretik Leganes taldeko Alfredo Sanchez eta Athletic taldeko Jose Angel Ziganda fitxatu baititu. X

■ Arabako Aldundiak 90 milioi pezeta emango dizkio Alaves taldeari

ATZO berriro zen Araba kirola bultzatzeko iaz sinatutako akordioa. Akordio horri esker, Alaves taldeak 90 milioi pezeta dirulaguntza izango du aurtun (4,3 milioi libera inguru). Hitzarmena beste urtebetez luza daiteke, gehien jota. Hala ere, dirulaguntzaren truke kirol taldeak zenbait kultur ekintza bultzatu beharko ditu, hala nola promoziorako bisitaldiak Arabako ikastetxe eta udaletxeetan. Guxtiez hamabost bisitaldi egin beharko ditu, eta beharrezkoa izango da bi jokalaririk parte hartzea. Gainera, Aldundiaren bitartez taldeak haurrentzat 750 sarrera eta jubilatuentzat beste 500 opartu beharko ditu. X

MENDIA

■ Iruñeko mendizale bat hil da Suitzako Alpeetan gertatu istripuan

ALFREDO GARRALDA GARDE iruindar gazteak bizia galdu zuen astelehen arratsaldean Weissshorn mendia jaisten ari zela, Suitzako Sion kantonian. Berarekin batera beste bi lagun zeuden: Francisco Goni eta Eduardo Lopez. 4.505 metro neurtzen duen mendira igotzeko, jaitsierari ekin zioten. Baina atsedean hartzeko geratu zirenean, zehaztu gabe dauden arrazoiak direla medio, banatu egin ziren, eta orduan 500 metro behera jausi zen Garralda. Bi lagunek Siongo polizia dei egin zioten, baina heldu aurretik Schall glaziarrean aurkitu zuten mendizale gaztearen gorpua. X